

VIII CONCURSO

Escolar de creación artística
Día Internacional da Muller e a Nena na Ciencia



Ata o 22 de xaneiro de 2024
ás 14.30 h
Máis información:
mulleresnaciencia@esei.uvigo.es



Universidade de Vigo

VIII Concurso de creación artística do Día Internacional da Muller e a Nena na Ciencia

Bases do concurso

1. OBXECTIVOS

- Promover o coñecemento por parte do alumnado do papel das mulleres na ciencia e na enxeñaría e as súas achegas ao desenvolvemento humano ao longo da historia.
- Establecer un certame que axude a que se visualice o papel das mulleres na ciencia e na enxeñaría e que reflicta como son vistas pola sociedade.
- Chamar a atención do alumnado sobre a ciencia, a enxeñaría e a súa contorna.

2. PARTICIPANTES

Poderán participar neste concurso o alumnado de 3º a 6º de educación primaria e de educación secundaria obrigatoria matriculado en calquera centro educativo que pertenza á provincia de Ourense. Haberá dúas categorías e dúas modalidades:

Primeira categoría: educación primaria. Modalidades (visual e literaria)

Segunda categoría: educación secundaria obrigatoria. Modalidades (visual e literaria)

3. CARACTERÍSTICAS DAS MODALIDADES

Modalidade visual: nesta modalidade encadraríanse debuxos con calquera material (lapis de cores, rotuladores, recortes para colaxe...) e recursos como o son, o vídeo ou a fotografía para crear obras ou propostas artísticas. Enviaránse en formato dixital ao enderezo da organización do concurso e non levarán o nome do autor ou autora de forma visible. As fotografías enviaránse en alta resolución (mínimo 1920 x 1080 píxeles), cun tamaño máximo de 20MB. Os vídeos poden ter unha duración que oscile entre os 30 segundos e os 2 minutos. Os debuxos tamén deberán ser escaneados en alta resolución. Deberá ser unha obra inédita e orixinal.

Modalidade literaria: manuscritos que poderán estar escritos a man ou a ordenador e que, en calquera caso, se enviarán en formato dixital ao enderezo da organización do concurso. A extensión máxima do traballo será de aproximadamente 900 palabras, o que equivale ás dúas caras dun folio de tamaño A4, e non levarán o nome da autora ou autor de forma visible. Deberá ser unha obra inédita e orixinal: non un resumo do que xa está escrito na web. Os traballos poderán estar escritos en galego ou en castelán nos xéneros de poesía e narrativa (contos, relatos).

4. TEMÁTICA

O tema común dos traballos son os referentes femininos nas disciplinas CTEM (Ciencia, Tecnoloxía Enxeñaría e Matemáticas), enxeñeiras, oceanógrafas, informáticas, matemáticas, físicas, biólogas, vulcanólogas, químicas, inventoras. Os traballos deben reflexar a visión do alumnado do papel das mulleres na ciencia con temas como os seguintes: que sabes dos descubrimentos das científicas pioneiras?; anímaste a debuxar unha científica?; inventoras e os seus inventos; anécdotas ou historias do teu contorno persoal: a miña avoa científica, a miña tía enxeñeira. Axúdanos a descubrir as mulleres que deixaron a súa pegada na historia da ciencia. Deixa voar a túa imaxinación e amósanos a visión feminina da ciencia.

Os traballos deben ser orixinais non un resumo da wikipedia.

5. PRESENTACIÓN DOS TRABALLOS. FORMA E PRAZO

Os traballos presentaranse de acordo coas características dadas no punto 3 destas bases. Cada estudante poderá participar exclusivamente nunha das modalidades cun único traballo.

Os traballos enviaránse dixitalizados ao enderezo mulleresnaciencia@esei.uvigo.es, xunto cos datos do traballo, (a autoría, o título de traballo, o curso e o centro educativo ao que pertence o autor/a), con data límite o 22 de xaneiro de 2024 as 14:30 horas.

6. SELECCIÓN DOS TRABALLOS E DECISIÓN DO XURADO

A selección dos traballos gañadores realizarase por proposta dun xurado. Os nomes das gañadoras e gañadores comunicaránse directamente ao centro, e publicarase a decisión a través da web e de diferentes medios da Universidade de Vigo. O xurado pode excluír traballos non relacionados co tema proposto no concurso ou que non cumpran os requisitos das bases. A decisión do xurado será inapelable. O nome das premiadas e premiados farase público e a entrega de premios será nun acto especial que terá lugar en febreiro coincidindo cos actos de conmemoración do Día internacional da Muller e da Nena na Ciencia.

Criterios de avaliación

- Modalidade visual:** valorarase a calidade técnica, a orixinalidade, a creatividade e o tratamento da temática do concurso.
- Modalidade literaria:** valorarase o estilo, a capacidade de razoamento, a orixinalidade e o tratamento da temática do concurso.

Composición do xurado

O xurado estará composto por docentes da Facultade de Ciencias, da Escola de Enxeñaría Aeronáutica e do Espazo e da Escola Superior de Enxeñaría Informática do campus de Ourense.

7. PREMIOS POR CATEGORÍA E MODALIDADE

Haberá tres premios por cada unha das categorías e das modalidades. O premio consistirá dunha calculadora científica CASIO «Women in Science» un libro e un diploma xustificativo do premio.

8. DISPOSICIÓN DOS TRABALLOS

Os traballos premiados pasarán a ser propiedade da organización do concurso e as autoras e autores cederán os dereitos de reprodución das súas obras.

A participación neste concurso, implica aceptar estas bases e a decisión do xurado.

Información

Para calquera dúbida ou aclaración pódese escribir ao seguinte enderezo electrónico: mulleresnaciencia@esei.uvigo.es